

JUNIOR SECONDARY CERTIFICATE

OSHINDONGA FIRST LANGUAGE

1105/1

PAPER 1 Reading and Directed Writing

2 hours

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KAALONGWA

- Nyola omayamukulo goye mEmbo lyOmayamukulo ndyoka wa pewa.
- Nyola Onomola yEkonakono nEdhina lyoye kembo lyoye lyomayamukulo.
- Nyola nopena ombulau nenge onduudhe.
- Ino longitha okadhimitho komeya.

- Yamukula omapulo **agehe**.

- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [] konima yepulo kehe nenge yoshitopolwa shepulo.

This document consists of 7 printed pages.



Republic of Namibia

MINISTRY OF EDUCATION, ARTS AND CULTURE

OSHIKOPOLWA SHA-A

Lesha nawa okahokololo taka landula, e to yamukula omapulo taga ka pulwa.

Shoka Kalunga e ku nunina ihe shi li po

Momukunda gu li momudhingoloko gwaKongo omwa li aatungagumbo, meme Opondili nomusamane gwe Dhiladhileni. Oya li nepona lyawo okakadhona kedhina lyolitheni. Konima sho lyolitheni a gwanitha oomvula hamano, aavali ye oye mu taambitha moskola yopaumwene mEkoaka hayi ithanwa llatulesheni. Posikola mpoka okwa ninga po owala oomwedhi mbali ta sikola. Momwedhi gwa landula ko aavali yaliyolitheni oye mu kutha po, molwondilo yosikola ndyoka. Oye mu lundululile koosikola dhepangelo, oshoka oyu uvu kutya itadhi futwa ishewe, yo ya kale tayi ihupithile sha mondjato. Egumbo lyawo molwaashi, olya li kokule noosikola dhepangelo, Opondili okwa uuvathana namumwayina gwomulumentu Nkeendaza ngono a li popepi nosikola yedhina Ependuko momukunda Ohakathiya, opo okanona ka kale haka zi megumbo lye sho taka yi kenongelo. lyolitheni okwa kala ta sikola nawa sigo a pita ondondo ye ontine.

Esiloshimpwiyu megumbo lyaNkeendaza olya li tali kanda omapunya nalyolitheni okwa tameka ha faula. Omathimbo ogendji oha edhililwa pondje naaluhe oha kala po posikola a pewa egeelo komulongi gwe molwokwaauvako. Ngele ya zi kosikola nayakwawo pethimbo lyokulya omwiha oha pewa iilonga yontumba ye e ye a lye nawa. Sho ta ka mana, ota adha oondhila dha tuka. Megumbo ngele okwa tidhwa mo andola a ye kosikola, oha hulile miihwa, oshoka oha kala a tila oku ka geelwa kosikola. Oha kala a tegelela yakwawo ya zimbuke yo ya tsile mumwe. Omasiku tage ya go taga yi, sigo lyolitheni osikola e yi tsu okati.

Yina moku shi kundana okwe ke mu tala ko, e te ke mu taambitha ishewe kOdibo. Opondili okwa li a yemata noonkondo mokudhiladhila lyolitheni gwe, ngono a ningililwa mo kumumwayina. Olwindji oto adha owala ta hukula ehodhi konkalo yomwana sho ta dhiladhila epipi lye lye mu thiga po lya ya nomanongelo, ye ta ende ta lombwele iihwa.

Konima yoomwedhi hamano lyolitheni a kala mOdibo, ohaluka aavali taa ithanwa kosikola, opo ya ka tule omwana pokati pamwe genongo taga fe gongombe. Opondili sho a yi ko e ta pulakene, okwa pula owala omukuluntusikola opo a ithanene omwana omuhungimwenyo pamwe kepa taku tutu ngaa. Shilishili sho haku ti Kalunga ihe ku etha nganyoko, konima ashike yuuwike wontumba oshipanguyo shono sha li momutima gwalyolitheni shokwaauva ko nokwaalandula osho sha zi ko.

lyolitheni ngashingeyi oku li nokuli mondondo ontimulongo. Sho ekonakono lyaAuguste lya ka nyolwa oyo ya ningi aailongi dhangi mosikola yawo. Sho a ka thika megumbo siku lyiizemo okwa li ta lili i isizimika mekolo lyahe. He okwa li a limbililwa noonkondo molwashoka lyolitheni ka li ta popi sha kakele koondila dha li dhaa na ehulilo. Opondili hela tuu e ya po puyo ngeyi, oosa owala a adha po, po kaape na ngu a sa. lyolitheni konima okwa popi newi tali kakama kutya aavali ye oye mu hepeka sho ye mu ethela kuuteku, ando oku li nale komumvo gwahugunina koUnivesiti. Yina moku shi pulakena omahodhi naampa ngaa tage mu zi ke shi po. Ayehe yaali oya yi muule womadhiladhilo nokonima lyolitheni okwe ya ndwangula onzapo ndyono ya li yi na iitsa inaye yi mona mo nale moonzapo dhomwana. lizemo yekonakono lyahugunina osho ye ya nalyolitheni oye a shuna ko ekonakono lyomumvo ngo. Konima yomvula yimwe oyo taa ithanwa aalongwa yomondondo ontimulongo nontiyali. lilingwa oya li tayi mu endele nawa lela ndele omukuluntusikola meme Yelishi naalongi, ye taye shi kuminwa. lyolitheni osho a piti ondondo ye yahugunina mOdibo. Sho a yi koUnivesiti aakuluntu ye inaya futa sha, molwaashoka omagano ngono a pelwe omumvo ngono ongoye owala to ti opuwo. Kehe omulongi he mu longo okwe mu nyanyudha nuushikependjewe.

Moshitopolwa ashihe shaHangwena oye e li mo omulongwa a pita niitsa ya shiga ko, nokwa pewa iimaliwa ya gwana okwiilongitha uule woomvula ne.

Omukumo gwe moshiputudhilo mono inamu za, mo inamu ya, sigo a mana onkatu ye yopombanda mUunangeshefa nOmayaalulo. Okwa mono iilonga mOmbaanga yOtango yOpashigwana mOshakati ongOmuyaluli gwiiniwe, mo a longo mo owala uule womvula yimwe. Okwa mono kutya iilonga mbyono nani hayo eithano lye nokwa ninga eindilo moHifikepunye Pohamba, mono e ki ilongela uulongisikola uule woomvula ne. Konima sho a mana eilongo lye okwa taambelwa a ka longe mosikola yopombanda yaKalongo ngomulongisikola gwomalaka. Molwashoka okwa li e na iitsa iiwanawa moonzapo dhe, ina ningilwa omapulapulo.

Aantu ayehe pomukunda noposikola otaa iyolitha ngaa nee ngedhina lyamwene kiilonga tayi longekeka kulyolitheni. Aavali megumbo otaa yolitha ngaa nee noonchi. Ngele e ya po pomukunda, uunona naakuluntu otaa tsile mumwe yu uka kulyolitheni molwaashoka okwa li e na eyego naantu ye ishewe okwa li ha yelutha onkwapa, a fa itee shi ningi we ngula. Aantu mukupewa kuye oya kala taye mu ndumbile ompolo. Iyolitheni osho a mono omuyeleki. Ethembo lyohango ye megumbo lyaandjawa kamwa li tamu gwanwa. Mwa kala hamu udha noshito, oto hala wu tye uuyuni awuhe oko wa li. Omagano ngo ga etelwa okakadhona haka, kakwa li taga gwana mo megumbo. Eyele lyomukulu gwonale osho lya tsu, sho haku ti okugandja okutsilika. Iyolitheni oya ka dhika egumbo lyawo mOnembamba moka a kala nomusamane gwe noyana yaali. Ombili oya li tayi hunga megumbo lyaahokani mbaka yaali.

Aanegumbo naanamukunda oya li ya thigilwa uuthigona shili, shaashi omukwiinini nomutekuli kamana gwawo naye a ka ninga lye. Iyolitheni oshoka okwa valwa nelago lya fewa kombambi, mosekundofikola yaKalongo okwa kala mo owala oomvula ndatu ye ota pewa iilonga yuutalelishikandjo moshikandjohogololo shaKalongo. Omukuluntu gwElongo moshitopolwa shaMusati, okwa li a panda unene kiilonga hayi longwa kokakadhona haka, noi naa kwatakata moku ka ulika, ka ninge Omutalelishikandjo.

Oshilongadalwa 1

Hogolola eyamukulo lyomondjila. Nyola owala onomola yepulo nondanda yeyamukulo lyomondjila. Oshiholelwa **1 B**.

1 Edhina lyayina yalyolitheni olye?

- A oDhiladhileni
- B oNkeendaza
- C oOpondili
- D oYelishi

[1]

2 Oshike sha etitha opo Iyolitheni a tembudhwe kosikola Ependuko?

- A Omolwashoka okwa li a ka tekulwa kuhekulu a valwa nayina.
- B Omolwashoka okwa li i ilongo nuudhiginini.
- C Omolwashoka okwa li ta yi mondondo ontimulongo.
- D Omolwahoka okwa li yu uvu kutya oosikola dhepangelo ihadhi futwa we.

[1]

- 3 Omolwashike lyolitheni kwa li ha hulile miihwa okuya kosikola?
 A Oshoka oha adha yakwawo ye li pokumana okulya.
 B Oshoka oha kala a tila oku ka geelwa kosikola.
 C Oshoka okwa li a hala a ka sikole kOdibo.
 D Oshoka megumbo lyahekulu ka li ha silwa oshimpwiyu nawa. [1]
- 4 Aantu yomomukunda gwoolyolitheni oya li ye mu holele molwashike?
 A Oshoka okwa li ha sikola mOdibo.
 B Oshoka okwa li a longwa.
 C Oshoka okwa li ha gandja.
 D Oshoka okwa li ta hokanwa. [1]
- 5 lilonga yotango yalyolitheni oyinipo?
 A Okwa li Omukulongisikola.
 B Okwa li Omukuluntusikola.
 C Okwa li Omutalelishikandjo.
 D Okwa li Omuyaluli gwiiniwe. [1]
- 6 lyolitheni nomusamane gwe oya ka tungila egumbo lyawo momukunda gunipo?
 A OmOhakathiya
 B OmOkalongo
 C OmOkongo
 D OmOnembamba [1]
- [6]

Oshilongadhalwa 2

- 7 (a) Tya **Osho** nenge **Hasho** komatumbulo taga landula:
 (i) lyolitheni okwa valwa awike kaavali ye. [1]
 (ii) Osikola Ependuko kayi li moshitopolwa shaHangwena. [1]
 (iii) lyolitheni okwa sikola mosikola yaKongo. [1]

(b) litya yi li mu-**A** yi tsitha kumwe nuutumbulo wu li mu-**B**. Nyola owala onomola yepulo nondanda moka mu na eyamukulo lyomondjila. **Oshiholelwa (i) (a)**.

A		B	
(i)	oUNAM	(a)	okutsa
(ii)	Ombaanga yOtango yOpashigwana	(b)	oshiputudhilo shopombanda
(iii)	okuyelula onkwapa	(c)	osikola moka mwa li hamu longo lyolitheni
		(d)	ehala moka mwa longa lyolitheni tango
		(e)	okugandja

[3]

[6]

Oshilongadhalwa 3

8 (a) Fatulula iitumbula tayi landula:

(i) e na eyego naantu [1]

(ii) okulombwela iihwa [1]

(iii) okugandja okutsilika [1]

(b) Tunga omatumbulo **gaali** ga yooloka to longitha oshityadhinalela shika “**Dhiladhileni**”, opo u holole eityo lyasho. [2]

9 Owa lesha nowa uva nkene lyolitheni i ilongo e ta piti oosikola dhe. Niitsa **itatu** gandja omauwanawa ngoka omuntu ho vulu u mone ngele owi ilongo wa mana mo. [3]

[8]

[20]

OSHIPOLWA SHA-B

Lesha nawa okaleshwa taka landula, opo u vule okuyamukula omapulo taga ka pulwa.

Uukuume wa kola

Methimbo lyonena omuntu ngele ina longwa oha kala a fa omuntu e li mokati kaantu yo opala ndele ye oku li miikutu ya tuuka nenge ya luudha. Kehe pamwe te ende oha monika a nika ondjala, onkayi noluhepo. Olwindji ngele oku li poomvula dhu uka komutse gwoshimbundu, aantu ohaa kala ya eta ohenda, ihe ngele oku li pethimbo lyokuya kelongo aantu ohaa lukaluka noya limbililwa komuntu a tya ngaaka sho kee na etegameno lya sha, ko okwa tiwa oli vule ekuta.

Momukunda gwontumba omwa li aamati yaali Shipopyeni naElago aanamagano. Pethimbo nokuli ye na oomvula hetatu yo oye li nale mondondo ontine. Aluhe oya kala nokupewa omapapa nokupetha wo osikola yawo omasindano gamavi. Sho tuu ya gwanitha omimvo omulongo nantano, Shipopyeni okwa tameke okukwatwa kombepo yokutonda elongo. Elago okwa kala ngaa nokutsa kuume ke omukumo sigo ya pita ayehe ondondo ontimulongo. Elago okwa taambelwa mondondo ontimulongo nayimwe mOsekundosikola yaShakati omanga Shipopyeni a taambelwa mOsekundosikola yaShela. Elago iilongwa okwa kala te yi enditha nawa sigo a mana ondono ontimulongo nontiyali. Nguka Shipopyeni omikalo dhe nomaholela oge mu hingila muupyakudhi uunene, ndele te etha osikola. Aavali yi ithanenwe tuu kosikola nelakakano ando lyoku mu yukililitha, ndele kemanya kuz' ontsi. Aalongi nayo osho ya gu mo ndele taye mu ethele iitomo. Shipopyeni nokuume ke, oyi iyunganeke, opo osikola ye yi tse okati yo ya ka konge iilonga kOmbaye, molwashoka oko ku na oofabulika odhindji hadhi longwa oohi niilonga ohayi vulu okumonika nuupu.

Elago omuntu e li na oya thikila hewa taa kutwa. Sho nee oshinima sha nika oshindjala oya li ye na okukonga po onduge, opo yi ihupithe manga omwedhi tagu si. Oya tameke haa tula oohi momakalanyana gawo, ye dhi tula pokati kombulukweya nekalanyana nenge ye dhi homeka miikayisino. Oye shi ninga ngaa konyala uule wiiwike itatu noya li ye wete ya tola ohambo nomatenga gayo. Sho ngaa kwatiwa uumbudhi ihawu yothwa, osho ihe ya ka pitililitha ndele folomana gwawo te shi mono mo.

Sho ya ka pulwapulwa, ookuume kaShipopyeni kopothingo, oye mu pilukila po, e ta ye mu lundile kutya oye a eta onduge ndyoka. Ohenda shili, Shipopyeni etemo lya gu momupini. Okwa pewa ko okathilinga ke kiiwike mbyo a longa ko, ko taka kuthwa natango aniwa a tulithwe po uufudhime. MOmbaye okwa ninga mo konyala uule woomwedhi ntano ta kongo iilonga ndele ina mona. Uumaliwa a pelwe sigo tawu pu po. Oluhepo nondjala osho ye mu hingile kegumbo. Aakuluntu osho ya li ombinzi nuutsika e taye mu futile olefa, oshoka nothilinga ka li e yi na mondjato.

Konima yomasiku sho e ya po, kuume ke Elago okwa kundana eyopo lye, nokwa yi e ke mu talele po. Okwa li a eta ohenda kukuume ke, oshoka okwa tya ngaa okwa kaka, ye okwa putila, yo nakaidhi ya kutha ko wo shayo. Oya yi moonkundathana ndhono dha li oonde konyala dha kwatwa omutenya aguhe. Shipopyeni osho a hongoloka kwaashoka kwa li tashi popiwa kuElago. Elago pethimbo ndyono okwa li ti ilongo mOshipudhilo shopombanda shaNamibia ti ilongele uulongisikola moshilongwa shomalaka. Ngele ta popi elaka lyOshiingilisa naandi lyooyina ito yoolola po lye. Elago okwa tsu Shipopyeni omukumo, opo a ye kendiki lyo-NAMCOL a ka mane ondondo ye ontimulongo nontiyali.

Shipopyeni osho e ki inyolitha iilongwa ye sigo e yi piti, ndele ta taambelwa mOshiputudhilo shopombanda moHifikepunye Pohamba molwashoka naye okwa li a hala a mone eithano ngolyaElago. Omumvo Shipopyeni e ya moHifikepunye Pohamba okwa adha Elago e li komumvo gwahunina.

Ethimbo tali ya lyo tali yi, paife Elago omulongisikola pOshaango. Okwa landa nokuli ohauto negumbo lye mondoolopa mEenhana. Kwiikalela oshoka okwa nyenga enongo, Elago oku li po ta dhidhila kutya ngele a longo po oomvula mbali, okwa hala oku ka tula miipundi oshoka omuyalekwa opo e li nale. Ookuume mbaka oya kala nokwiitulila mo omadhiladhilo taga tungu sigo Shipopyeni naye a mana eithano lye. Paife ayehe ohaa longo pOshaango. Elago osho a hokana, shi li ko oshamushila gwaKaandje. Shipopyeni naye a tokola a hokane nokwa li ya hala ya ka dhike omagumbo gawo gomiti momukunda gumwe, ndele iiyanekwa sho ihaayi tsakanene nomutenya, mpoka pwa li egumbo lyaElago, kapwa li we tapu gwana egumbo nepya lyokulonga. Shipopyeni okwa dhika egumbo lye kOnahima omanga lyaElago lya li mOngula yaNetanga.

Oshilongadhalwa 1

- 10 Holola omaupyakadhi **gaali** haga vulu okwaadha omunasikola konima e etha po osikola. Shi koleka. [6]
- 11 Aavali yaShipopyeni sho e ya kegumbo kee na sha, oya li yu uvite ngiini? Shi yelitha niitsa **itatu**. [5]
- 12 Pamadhiladhilo goye oshike wa tala kwa li tashi vulu okwaadha Shipopyeni, ando ka li a shuna mosikola? Shi holola niitsa **itatu** ya yela nawa. [5]
- 13 Ando ongoye wa li kuume kaShipopyeni ngoka e etha po osikola, ando owe mu kwatha ngiini? Shi yelitha niitsa **iyali**. [4]
- [20]

Oshilongadhalwa 2

- 14 Ngoye omulongisikola posikola yontumba, owa koneke kutya aanasikola oyendji posikola yeni otaya zala omizalo dhaahe na uutalelo pokati kaantu; kashi na nee kutya uukadhona nenge uumati. Owa tokola opo wu ye moonkundathana nomukuluntusikola kombinga yoshinima shika. Shanga oonkundathana dheni. Omupopi kehe na popye iikando **ihamano**, inaamu kwatelwa omapopithathano. Oonkundathana dheni nadhi kale nuule wiitya **150 – 200**. [20]